

一隻鳥仔哮無救

嘿，嘿，彼就是一隻鳥仔
在政見發表會的台頂哮救救
嘿，嘿，彼就是一隻鳥仔
在寒涼風雨中的闇時欲找巢

飛來飛去，為着找鳥巢
哮救救，彼隻鳥仔眼中有憂愁
也驚無人知也伊的成就
也驚有人啼笑伊的哀求

飛來飛去，總是找無巢
哮救救，這隻鳥仔嘴邊無髭鬚
談天南說地北，亂哮一大場
論現在講過去，哮到無親像

哮救救，不知得怎樣
台腳的聽眾心內到底啥要求
哮救救，誰人肯收留
台頂的鳥仔目屎滾落心頭憂

為着滿腹的主張，這隻鳥仔
決心奉獻追求，追求伊的享受
為着大家的前途，這隻鳥仔
願意享受犧牲，犧牲咱的自由

風微微，台頂鳥仔哮救救——
「為本地發展，造道路是我的主張！」
雨淒淒，台腳聽眾隨個溜
「造路無必要！保田園才是阮要求。」

鳥仔一聽頭昏昏，趕緊就更正
「對對對！造田園正是我所主張。」
鳥仔講得腦鈍鈍，向聽眾搵手
「毋通溜！欲造田園大家來研究！」

嘿！嘿！彼就是一隻鳥仔
在政見發表會的台頂哮無人救
嘿！嘿！彼就是一隻鳥仔

一隻鳥仔呼無救

在風雨收煞的闇時孤單伴月娘

——七十二、十二、七、南松山

七十二、十二、「台灣詩季刊」第三期

七十三、一、十二、台灣時報副刊

台注

- ① 髭鬚：鬚鬚。唇上曰髭，唇下曰鬚。《玉台新詠》古樂府《日出東南隅行》：「行者見羅敷，下擔捋髭鬚。」唐元稹《西歸詩》：「今日還鄉獨憔悴，幾人憐見白髭鬚。」俗作「嘴鬚」。
- ② 收煞：結束。煞，結束。元《齊東野語·降仙》：「年年此際一相逢，未審是甚時結煞。」



草蜢

和草蜢

同款，

在夜市

背起

和草

無同

隱身

背

只

貨

什